

詩

經

廣

詁

詩經廣詁 小雅

桐城徐璈輯錄

節南山之什 第十九

節南山 十章

孔叢子孔子曰於節南山見忠臣之憂世也記義篇

董仲舒曰周室之衰其卿大夫緩于誼而急于利亡推讓

之風而有爭田之訟故詩人疾而刺之引詩節彼南山維石巖巖赫赫師尹

民具爾麋漢書本傳 范家相曰爭田之訟如皇父云 微我牆屋田卒汙萊瞻卬云人有土田汝覆奪之是也

崔駰司徒箴曰詩刺南山尹氏不堪國度斯慙文苑

韋昭曰節南山平王時作國語注 劉瑾曰節南山正月 雨無正皆東周之變雅 惠周

場曰節南山以
下俱平王時詩

節彼南山

韓詩曰節視也

釋文

維石巖巖

羣經音辨惟石

巖巖

璩按荀子儒效篇巖巖兮其敬已也注巖巖有威重之貌又楚詞注巖畏

也孟子趙注巖尊也箋云人所尊巖似鄭本亦作巖兼用三家義矣

赫赫師尹民具爾瞻

董仲舒曰爾好義則民鄉仁而俗美爾好利則民好邪而

俗敗由是觀之天子大夫者下民之所觀效遠方之所以

四面而內望也

漢書本傳引詩

應劭曰尹正也

漢官儀引詩
太平御覽

郎顗曰師尹三公也言三公之位天下之人共瞻視之

後漢

書本傳
引詩

秦秀曰言其德行高峻動必以禮耳

晉書本傳引詩
諸家多以爲刺此若

美之當亦

一家義也

呂向曰師尹大臣也使萬人具瞻之以成其貴

文選晉紀
總論注

孝經釋文非非師尹

憂心如惓

韓詩憂心如炎

釋文
段曰韓詩作炎定本加
心作惓惓憂也豈憂心如憂乎

說文曰憂心如天小熱也

天當作美小熱
也从火半聲

何用不監

韓詩曰監領也

釋文 瓊按此訓監與監臨之監義同故下章云不自為政也

王符曰傷三公居人尊位食人重祿曾不肯察民之盡瘁

也

潛夫論愛日篇引詩

天方薦瘥

說文曰天方薦嗟嗟殘田也

按手鑑作殘歲田也魏源曰此可證魯詩訟爭田之說

維周之氏

潛夫論維周之底

按底箋云當為極鎔之極或韓魯詩讀為極也

秉國之均

漢書秉國之鈞

隋志文選註同戴震曰鈞謂鈞石權衡

天子是毗

王肅注天子是埤埤厚也文釋

隋志天子是裨

俾民不逃

劉向曰昔者君子導其百姓不使逃是以威厲而不至刑

措而不用也說苑政理篇引詩

王肅曰言師尹當毗輔天子使民不逃家語注

荀子天子是庠卑民不逃

不弔昊天不宜空我師

薛章句曰萬人囁囁仰天告愬文選任昉服注安陸王碑文注

弗躬弗親庶民弗信

淮南子曰君子見善則痛其身焉身苟正懷遠易矣詩云

云繆稱訓

韋昭曰言爲政不躬親之則民衆不信也

楚語注

杜預曰言爲政者不躬親政事則庶民不奉信其命

左傳襄公

八年注

左傳晉韓獻子告老公族穆子有廢疾將立之辭曰詩

云弗躬弗親庶民弗信無忌不才讓其可乎請立起也

襄公七年

說苑齊桓公謂管仲曰羣臣衣服輿馬甚汰吾欲禁之

可乎管仲曰君嘗之臣食之君好之臣服之今君食必
桂之漿衣練紫之衣狐白之裘此羣臣之所奢太也詩
云不躬不親庶民不信君欲禁之胡不自親乎反質篇
無小人殆

盧辯曰殆近也大戴禮子張問篇引詩

大戴記子貢曰學以深厲以斷送迎必敬上友下交銀
手如斷是卜商之行也詩云式夷式已無小人殆商也
其可謂不險矣

瑣瑣姻亞

考文瑣瑣姻亞爾雅釋文司

昊天不備

韓詩昊天不庸庸易也

釋文按易即平易之易與後不平義近

晉書昊天不融

元帝紀璠按左傳明而未融國語顯融高明不融即正月視天夢夢意蓋亦三家

遺訓矣

不弔昊天亂靡有定

杜預曰言在上者不能弔愍下民故號天告亂

左傳注璠按箋訓

弔為至與神之弔矣同此訓為弔言之弔是憫恤之義人窮則返本患難呼天固仰望其弔愍矣

左傳成公七年吳伐鄭鄭成季文子曰中國不振旅蠻

夷入伐而莫之或恤無弔者也夫詩云不弔昊天亂靡

有定其此之謂乎有上不弔其誰不受亂吾亡無日矣

誰秉國成不自為政

緇衣誰能秉國成不自為正

鄭注傷今無此人也成邦

之八成也

按八成經邦義最顯著此本三家箋乃改依毛訓也

王肅曰言政不由王出也

正義

卒勞百姓

王基曰此文陳下民疾怨之言曲以感悟忠臣殷勤之意

也正

正義

駕彼四牡四牡項領

新序曰夫久駕而不得行項領不亦宜乎

雜事篇引詩

徐鍇曰馬領宜細項領大而難制

說文繫傳引詩

徐幹曰良農不患疆場之不脩而患風雨之不節君子不

患道德之不建而患時世之不遇詩云駕彼四牡四句傷道之不

遇也豈一世哉中論爵祿篇璩按易林曰名成德就項

不用于時言與箋義異與新

序中論之說同殆出魯家也

我瞻四方蹙蹙靡所騁

薛章句曰騁馳也文選登騁施也注文選射雉賦注左思詩

王通曰傷道之不遇也文中子

引詩

王肅曰覆猶背也師尹邪僻妄行故下民皆怨其長正義

以畜萬邦

左傳昭公二年晉韓起來聘季武子賦節之卒章

杜注義取

晉德以畜萬邦呂祖謙曰此詩在古止稱節也

璩

接大戴禮引式夷式已二句盧註此小雅節之四章盧

殆據三家詩

亦止稱節也

十三章

正月

竹書紀年幽王四年夏四月隕霜惠周楊曰節南山正

月雨無正屬之幽厲多不可合其曰國既卒斯周宗既滅

褒如滅之遷于王都皆係西周已亡平王東遷後

作詩義折中曰正月憂平王之不能興周也

正月繁霜

劉向曰霜降失節不以其時

漢書本傳引詩

張晏曰正月夏之四月純陽用事而反多霜急恒寒若之

徵也

劉向傳注

淮南子曰逆天暴物則日月薄蝕五星失行四時乖晝

冥宵光山崩水涸冬雷夏霜詩云正月繁霜我心憂傷天

之于人有以相通也

秦族訓

民之訛言亦孔之將

劉向曰言民以是為非甚眾大也

本傳引詩

石經民之僞言

讀詩記董氏引之為言是也周官司徒八刑有造言之刑

禁暴氏掌誅庶民之作言語而

不信者造言作言即僞言也

癡憂以痒

孫炎曰癡憂畏之病也

爾雅注引詩

爾雅釋文鼠憂以痒

畢沅曰鼠憂也下又有鼠思泣血鼠亦憂也是鼠即鼠字

不自我先不自我後

杜預曰言禍亂不在他正當已身

左傳注

韓詩外傳孟子曰夫藝冬至必彫吾亦時矣詩云云非

遭彫世者歟

憂心惓惓

陸德明曰惓又作熒熒獨也

釋文

民之無辜并其臣僕

王肅曰今之王者好陷入人罪無辜于下至于臣僕

正義

瞻烏爰止于誰之屋

後漢書郭林宗哭陳蕃寶武于野既而歎曰人之云亡

邦國殄瘁但不知瞻烏爰止于誰之屋耳

黨錮傳

瞻彼中林侯薪侯蒸

韓詩外傳曰言朝廷皆小人也

視天夢夢

韓詩曰夢夢惡貌也

釋文 文選歎逝賦咨余今之方殆何視天之芒芒李注芒芒猶夢夢也

召彼故老訊之占夢

班固曰惑者不稽諸躬而忌妖之見是以詩刺召彼故老

訊之占夢傷其舍本而憂末不能勝凶咎也

前漢藝文志

其曰予聖誰知烏之雌雄

孔叢子子思言於衛侯曰君之國事將日非矣君出言
自以為是而卿大夫莫敢矯其非君臣既自賢矣而羣
下同聲賢之賢之則順而有福矯之則逆而有禍如此
則善安從生詩云云抑亦似君之君臣乎

謂天蓋高不敢不局謂地蓋厚不敢不跲

家語子曰此言上下畏罪無所容也

賢君篇

王肅注言天

至高已不敢不曲身危行恐上觸忌諱也地至厚已不敢
不累足懼陷累在位之網羅也

說文曰不敢不趄趄側行也

玉篇同

又曰跲小步也

釋文

薛綜曰不敢不跲跲僵僕也

文選兩都賦注又江賦注引聲類偏舉一足曰局

說苑孔子論詩至正月之六章懼然曰不逢時之君子
豈不殆哉從上依世則廢道違上離俗則危身世不與
善已獨由之則曰非妖則孽也是以桀殺關龍逢紂殺
王子比干故賢者不遇常恐不終焉

敬慎篇
家語同

漢紀荀悅曰獨智不容於世獨行不畜於時是昔人之
所以自退也雖退猶不得自免是以離世深藏以天之
高而不敢舉首以地之厚而不敢投足詩云云

謂天蓋
高以下

入本不敢立于人間況敢立于朝乎自守猶不免況敢
守于時乎無過猶見誣枉而況敢有罪乎閉口而獲誹

論況敢立言乎

王商
論

維號斯言有倫有脊

董仲舒曰物莫不有凡號號莫不有數名事各順于名名

各順于天天人之際合而爲一謂之道德詩曰維號斯言

有倫有迹此之謂也

春秋繁露三十五 范家相曰以號爲名嫉邪思正其義亦長

哀今之人胡爲虺蜴

左雄曰言人畏吏如虺蜴也

後漢書 蔡邕傳

說文曰胡爲虺蜴虺以注鳴

鹽鐵論 引並同

彼求我則如不我得執我仇仇亦不我力

緇衣子曰大人不親其所賢而信其所賤民是以親失而

教是以煩詩云云

鄭注仇仇然不堅固是不親信也

王念

孫曰仇仇或作抗抗廣雅抗抗緩也集韻緩持也緝衣注仇仇然不堅固卽是緩持之意蓋本于三家也

文中子遊馬頰之谷從者姚義寶威進曰夫子遂得潛乎文中子曰潛雖伏矣亦孔之炤威曰聞朝廷有召子議矣文中子曰彼求我則如不我得執我仇仇亦不我力喟然遂歌正月終焉旣而曰不可爲矣

赫赫宗周褒姒威之

班固曰幽王廢申后及太子宜臼而立褒姒伯服代之廢后之父申侯與緡西吠戎共攻殺幽王詩云云

漢書五行志

韋昭曰幽王爲西戎所殺而詩言褒姒威之明禍有所由也

周語注按班韋均以周威爲幽王見殺于吠戎則此詩作于幽王以後不得爲刺幽矣

左傳昭公元年楚令尹圍享趙孟事畢趙孟謂叔向曰
令尹自以爲王矣何如對曰王弱其可哉雖可不終趙
孟曰何故對曰彊以克弱而安之彊不義也不義而彊
其斃必速詩曰赫赫宗周褒姒滅之彊不義也

又寤陰雨

韓詩章句曰窘迫也

讀詩記
董氏引

屢顧爾僕

徐幹曰親賢求助之謂也

中論
引詩

亦孔之炤

禮記亦孔之昭

鄭注昭明也言聖雖隱居其德亦甚明

矣

阮元曰喻賢臣雖退處亦不能安居

裴度諸葛武侯碑曰取威定霸者求賢如不及藏器在身者擇主而後動公是時也躬耕南陽自比管樂表未

從虎時稱臥龍謝曰潛雖伏矣亦孔之炤

洽比其鄰昏姻孔云

杜預曰言王者為政先和協近親則昏姻甚相歸附也

左傳

僖公二十二年注

釋文昏姻孔真

左傳富辰言於王曰請召太叔詩曰協比其鄰昏姻孔

云吾兄弟之不協焉能怨諸侯之不睦王說

僖公二十

又晉知悼子合諸侯之大夫以城杞子太叔曰晉國不

恤宗周之闕而夏肄是屏其棄諸姬亦可知己諸姬是棄其誰歸之吉也聞之棄同卽異是謂離德詩曰協比其鄰昏姻孔云吾不鄰矣其誰云之襄公二十九年方苞曰傳引詩謂小人黷貨無厭以私厚其姻黨其姻黨必盛有所稱述也

仳仳彼有屋

說文曰仳仳彼有屋仳仳小貌廣韻引詩同

藪藪方有穀

後漢書速速方藪

阮元曰方藪爲並藪得之毛本藪爲藪之假借字

章懷注小

人乘寵方藪而行方猶並也秦邑傳釋文藪藪方藪或作方有藪非也

天天是椽

後漢書天天是加

蔡邕傳他書者如詩

天天是極蔡邕傳作天天

是加與裁裁方穀為對按筆談方穀亦與蔡引方穀異然四字為句是北宋本亦無有字也

哿矣富人哀此惇獨

趙岐曰哿可也言富人居今之世可矣但憐此熒獨孤弱

者耳

孟子注王念孫曰左傳昭八年杜注哿嘉也鄭注禮記嘉樂也此詩哿與哀對舉言樂矣彼有屋之富

人悲哉此無祿之惇獨也

楚詞章句哀此熒獨

段玉裁曰富人即有屋者熒獨即民之無祿者而又天極之故為哀也

十月

八章

班固曰十月之交著卿士司徒下至趣馬師氏咸非其材

明小人乘君子陰侵陽之原也故取適于日月之災

漢五行志

孟康曰十月之詩刺后族太盛也

漢書梅福傳注

顏師古曰十月之交刺厲王淫于色皇父之屬因嬖寵而

為官也

漢書谷永傳注

十月之交朔月辛卯日有食之

丁鴻曰昔周室衰季皇甫之屬專權於外黨類彊盛侵奪

主執則日月薄蝕故詩云云

後漢書本傳

傅仁均曰周幽王六年十月辛卯朔蝕

舊唐書本傳 稽古編周語幽王三

年三川震岐山崩詩正言其事

竹書紀年幽王六年冬十月辛卯朔日有食之王應麟曰梁虞廟大同歷推之

亦為幽王六年

翼奉曰臣學齊詩聞五際之要十月之交篇知日蝕地震

之效昭然可明猶巢居知風穴處知雨亦不足多適所習耳人氣逆則感動天地天變見於星氣日蝕地變見於奇

物震動

漢書本傳

五經疑問曰日月次周行舍有常分至之候不爲愆咎今同三辰而爲咎戾者專以金木相殘指日成釁推步不一容可如之若譴見正陽日維戊午生育相因獅子歸母但以陰陽得無深忌乎若如忌也朔月應亦爲災如不忌也辛卯豈獨成醜且舉凡之始以屬月時繫之以日有爽明例義不妄構理用何依

魏書房景先傳按此駁箋卯木侵

辛金之義也

蘇轍曰四月純陽謂之正月十月純陽謂之陽月純陽而食陽弱也純陰而食陰甚也

日月告凶不用其行

漢書日月

鞠凶不用其行

劉向傳

顏注曰鞠告也不用其

常行之道也

後漢書日月

吉凶

馬融傳

四國無政不用其良

韓詩外傳曰人主欲附下一民則莫若反之政欲修政美俗則莫若求其人詩云云不用其良臣而不亡者未之有也

彼月而食則維其常此日而食于何不臧

左傳晉侯問於士文伯曰詩謂此日而食于何不臧何也

對曰不善政之謂也國無政不用善則取譴於日月之災

故政不可不慎也

昭公七年

詩傳日月食非常也比之日食猶常也日食則不臧矣

漢書

天文志引此魯詩傳也按

說苑彼日而蝕

漢書劉向傳引日有蝕之亦作蝕

不寧不令

詩含神霧曰震電不令此刑政之大暴故震電驚人使天

下不安

御覽六百三十五

百川沸騰山冢萃崩高岸為谷深谷為陵

薛章句曰騰乘也

文選射雉賦注

玉篇曰百川沸騰騰水上涌也

按廣雅騰上也騰當亦三家字也

漢書山冢李崩

顏注曰卒盡也

虛文昭曰此魯詩博物志亦作卒

劉向曰天變見于上地變動于下水泉沸騰山谷易處其

詩云云

漢書本傳

李尋曰臣聞五行以水為本天地所紀終始所生水為準

平王道公正修明則百川理落服通偏黨失綱則踊躍為

敗詩所謂百川沸騰者也其咎在于皇甫卿士之屬

漢書五行

志災異書

左雄曰褒貶用權七子黨進賢愚錯綜深谷為陵

後漢書本傳

張華曰五嶽視三公四瀆視諸侯通靈助化位相亞也山

崩川溢臣盛君衰詩云云小人握命君子陵遲大亂之道

也博物志

國語幽王三年西周三川皆震伯陽父曰周將亡矣昔伊維竭而夏亡河竭而商亡今周德若二代之季矣夫國必依山川山崩川竭亡之徵也

左傳公薨于乾侯晉史墨曰魯君世從其失季氏世修其勤民忘君矣雖死于外其誰矜之社稷無常奉君臣無常位自古以然故詩曰高岸爲谷深谷爲陵杜注言高下有

變三后之姓於今爲庶主所知也昭公三十二年

荀子曰以族論罪以世舉賢雖欲無亂得乎哉詩云云

此之謂也君子篇

胡憚莫懲

釋文胡憚莫懲

又兩無正憚憚日瘁釋文云一作慘慘

皇父卿士

荀子曰任用讒夫不能制孰公長父之難厲王流于冕

成相

篇

楊倞註孰公長父厲王嬖臣或曰卽詩所云皇父也

番維司徒

司馬貞曰番氏也音婆又音潘

史記河渠書索隱

李賢曰幽王之后親黨也

後漢書注崔琦傳外戚箴曰匪賢是上番爲司徒荷爵負乘

采食名都詩人是刺德用不憚

漢書司徒皮

顏注卽番也古今人表

韓詩繁惟司徒

釋文

冢宰

鄭眾曰冢伯維宰宰夫主諸臣萬民之復逆故詩人重之

賈公彥曰維宰在司徒下膳夫上是宰夫非太宰也周禮注疏

古今人表太宰冢伯惠棟曰冢伯是太宰故箋以冢宰釋之

仲允膳夫

漢書膳夫中術顏注曰卽仲允也古今人表

聚子內史

漢書內史振子阮元曰漢書古今人表所引詩作皮術振萬字皆是魯詩

蹶維趣馬

漢五行志樂維趣馬

橘維師氏

賈公彥曰其臣氏曰橘者作師氏之官

周官疏

漢書萬維師氏 集韻橘維師氏

洪頤煊曰唐石經初刻亦作橘

豔妻嬭方處

魯詩閭妻方處

漢書谷永傳注 惠棟曰中候璽雜戒刻者配姬以放賈山崩水潰納小人刻

閭豔古今字此知非袞嬭也 讀詩記班婕妤賦曰哀哀閭之為郵

谷永曰閭妻驕嬭日以不臧 顏注曰閭嬖寵之族也

漢書

本傳 臧鏞堂曰毛詩

豔妻魯作閭齊作刻

說文曰豔妻偏方處偏熾盛也

王安石曰天子之妃曰后此言妻者不予其為正位

宮中之后也

王符曰稷禹皋陶聚而致雍熙皇父蹶橐聚而致災異夫

論本政篇

顏師古曰番蹶橐皆氏豔或作閭閻亦嬖妾之姓也詩人

刺王淫於色故皇父之徒皆用后族而處職位不以德選

也漢書五行志注姚範曰谷永傳抑褒閭之亂小顏注以為魯詩箋以豔妻為厲王后兼用魯義也

抑此皇父

韓詩曰抑意也

釋文惠棟曰意即噫周頌噫嘻成王定本作意

陸德明曰抑辭也徐音噫

曰于不戢

王肅曰曰于不戢戢善也 孫毓曰戢鄭改字

釋文

皇父孔聖作都于向

竹書紀年幽王元年王錫太師尹氏命五年皇父作都于向

不戢遺一老

韓詩曰戢閭也

釋文 洪順煊曰方言戢傷也郭注引詩云亦傷恨之言也與毛韓異義

陸德明曰戢爾雅云願也強也且也

龜勉從事不敢告勞無罪無辜讒口嚚嚚

劉向曰詩云密勿從事不敢告勞君子獨處守正不撓衆

枉勉彊以從王事則反見憎毒讒愬

漢書本傳 姚鼐曰劉所引密勿從事或

齊魯韓詩爾雅爾沒勉也音義翻作豐古密字

禮記勿勿亦勉義此密勿當依爾雅作密沒也

韓詩讒口警警釋文一作警漢書作警

噂沓背憎職競由人

杜預曰噂沓面語背相憎疾皆人競所主作左傳僖公十五年注

傳惠公在秦曰先君若從史蘇之占吾不及此夫韓簡侍曰龜象也筮數也物生而後有象象而後有滋滋而後有數先君之敗德及可數乎史蘇是占勿從何益引詩下民之孽四句

陸德明曰噂說文作僇僇聚也沓本又作噂釋文陳啟源曰今說文

噂字亦引此詩云噂聚語也

悠悠我里

爾雅注悠悠我里興光注爾雅釋文悠悠我里

玉篇悠悠我癯

董氏曰集注并作癯毛訓為病是作傳時亦為癯也

雨無正

七章

韓詩序曰雨無極正大夫刺幽王也

集傳劉安世引

又曰雨無

正無衆也

韓詩記引

范處義曰詩之命名皆摘取詩中

人之意

劉安世曰韓詩篇首

多雨無其極傷我稼穡八字

易林南山昊天刺政閔身

蒙之革

降喪饑饉斬伐四國

新序曰其政不平也乃斬伐四國

雜事篇

弗慮弗圖

漢書注不慮不圖

淪胥以鋪

韓詩曰勳胥以痛勳率也痛病也言此無罪之人而使有

罪者相率而病之是其太甚後漢書蔡邕傳注王念孫曰淪胥以鋪韓作痛本字也

王肅訓鋪為病義本韓詩毛作鋪借字也按慈湖詩傳從韓作痛

漢書薰胥以鋪晉灼曰齊魯韓詩作薰薰帥也胥相也

從人得罪相坐之刑也漢書敘傳注阮元曰毛詩之淪本字也三家作薰假借字也

應劭曰胥靡刑名也漢書楚元王傳注

顏師古曰薰者謂相薰蒸亦漸及之義耳漢書敘傳注

周宗既滅靡所止戾

左傳宗周既滅靡所止戾杜注戾定也言周為天下宗

今乃衰滅亂無息定

昭公十六年叔孫昭子引詩

正大夫離居莫知我勦

左傳正大夫離居莫知我肄

杜注肄勞也言執政大夫

離居異心無有念民勞者也

昭公十六年

胡不相畏不畏于天

左傳季文子曰君子之不虐幼賤畏于天也

文公五年引詩

聽言則答譖言則退

漢書聽言則對誦言如醉

新序作聽言則對同

哀哉不能言匪舌是出維躬是瘁

杜預曰不能言謂不知言理其言非不從舌出以僭而無

信自取瘁病故哀之

左傳昭公七年注

哿矣能言巧言如流俾躬處休

王符曰言佞彌巧者言彌尊也

潘夫論本政篇引詩按李康運命論曰俯仰尊

貴之顏遠適勢利之間意無是非謂之如流言無可否應之知譬以闕看為精神以向背為雙通蓋本此詩之旨而曲盡其情狀矣

杜預曰哿嘉也巧言如流謂非正言而順敘以聽言見答

者言其可嘉以信而有徵自取安逸當叔向時詩義如此

故與今說詩者小異

釋文卑躬處休

按按自卑尊人禮之善經也而涉亂遭危則益形踣踣卑躬即足恭之意故與巧言

並舉

也

左傳叔向曰君子之言信而有徵故怨遠于其身小人
之言僭而無徵故怨咎及之詩云云

哀哉不能
言一章

謂爾還于王都

孔廣森曰詩譜雨無正刺厲王漢初師移其第耳孫毓曰
靡所止戾莫謂厲王流能于義為安廣森謂王都正指彘
言時王流于外共和居攝詩人
欲正大夫之還而從王于彘也

小閔六章

桓寬曰此詩人刺不通于王道而善為權利者

鹽鐵論復
古篇引詩

哀哉為賦五句 按詩中多言謀餓賊
謀大猷謂王道通言不賊謀謂權利也

鄭康成曰十月雨無正小閔小宛皆當為厲王作故訓傳

時移其篇第因改之耳

瓊按四詩中惟十月篇見於荀子
漢書注者為刺厲王今觀鄭氏之

言是序皆為刺厲王毛公移其篇第故改之然則今詩序
之存者未必盡當日之原書矣阮元曰謂寸月之交四
篇屬厲王時詩者魯詩申培公及
中侯摘雒風鄭司農詩箋之說也

謀猶回遹

韓詩曰謀猶回駁駁僻也

文釋

又曰謀猷回次

薛君曰

回邪僻也

文選西征賦注

又曰謀猷迴穴

曹昭曰迴邪也穴

僻也

文選幽通賦注

環按文選風賦迴穴錯迂善注云
凡事不能定者迴穴此即風不定貌蓋川韓義也

何日斯沮

韓詩傳曰沮止也壞也

史記劉敬傳索隱按此兼毛鄭兩訓

滄滄訛訛

韓詩曰滄訛不善之貌

文釋

劉向曰詩云歔歔訛訛衆小在位而從邪議歔歔相是而

背君子

漢書本傳一錢澄之曰歔訛氣出聲也訛通些苛細之意

璩按向又上封事曰今佞邪與賢臣並在交戟之內合黨共謀違善依惡歔歔訛訛數設危險之言欲以傾移主上此亦達滑訛之指而盡其情狀也

許慎曰彙纂訛訛訛訛思不稱意也

說文

荀子曰小人致亂而惡人之非已也致不肖而欲人之

賢已也諂諛者親諫諍者疏修正爲笑至忠爲賊雖欲

無滅亡得乎哉詩云喻喻些些

六句此之謂也脩身篇

是用不集

杜預曰言人欲爲政是非相亂而不成

左傳襄公八年注

言糾屬 節南山之什

韓詩外傳是用不就董道曰崔集注亦作就熊朋來曰集當作就以韻為證

文選注是用不售接售與咎為韻定本或佳下說本

發言盈庭誰敢執其咎

杜預曰言謀者多若有不善無適受其咎左傳注

如匪行邁謀是用不得于道

杜預曰匪彼也行邁謀謀于路人也不得于道眾無適從

左傳襄八年注 顧炎武曰古人以匪彼通川襄二十七年傳引詩匪交匪傲是也 惠棟曰此必三家有作彼者

故杜據彼為說 王念孫曰廣雅匪彼也其訓蓋本于三家

左傳襄公八年楚伐鄭子駟子國子耳欲從楚子孔子

僞子展欲待晉子駟曰詩云云謀夫孔多請從楚驂也以下六句

受其咎乃及楚平

民雖靡廪

韓詩曰民雖靡廪猶無幾何也

釋文 戴震曰民雖靡廪廪美也言民雖無畢具美

德者固或各有其一矣

王肅曰廪讀撫大也無大有人言少也

釋文

或哲或謀

漢書或哲或謀

五行志

不敢暴虎不敢馮河

荀子曰人不肖而不敬則是狎虎狎虎則危災及其身詩

云云

臣道篇

河之必死也

呂氏春秋注淮南子註同

傅亮曰詩云云慎獨之謂也

宋書本傳引詩

鹽鐵論不可暴虎

說文繫傳不敢溯

按說文曰溯無舟渡河也馮馬行疾也馮當作溯字之假借也

人知其一莫知其他

呂覽曰此言不知鄰類也

安死篇引詩四句

高誘注曰一非也

人皆知小人之為非而不知不敬小人之危殆故曰不知

鄰類也 又曰人皆知暴虎馮河立至害也故曰知其一

而不知當畏存小人危亡也故曰莫知其佗

淮南子本經訓引詩註

楊倞曰人皆知暴虎馮河立至于害而不知小人爲害有

甚于此也

荀子注

戰戰兢兢如臨深淵如履薄冰

左傳羊舌職曰詩云戰戰兢兢如臨深淵善人在上也善

人在上則國無幸民

杜注言善人在位則無不戒懼宣公十六年

孔安國曰臨深淵恐墜履薄冰恐陷言常不敢自康也

李經

引詩注

呂氏春秋若臨深淵若履薄冰

慎大篇引周書

左傳昭公元年會于虢楚公子設服離衛晉樂王鮒曰

小閔之卒章善矣吾從之

杜註言不敬小人則危殆王鮒從斯議故不敢議議楚公

子圖

小宛 六章

國語秦伯宴公子重耳賦鳩飛

韋昭注鳩飛小宛之首章宛彼鳴鳩翰飛戾天

此則小宛篇題亦名鳩飛矣又按此詩如東方所述之義要為士大夫勵志之言不必泥以刺王也

為亂離思

親之詩

宛彼鳴鳩

陸德明曰字林云鳴鳩鵲鵲小種鳩也

釋文鵲鵲鳩許氏所

謂直刺上飛入雲中即翰飛戾天之謂也鳴鳩性壹而慈有哺子之恩詩中言先人懷二人教誨式穀無忝所生故

以起興也 鵲按鵲鳩均養怙恃之恩七子一儀友悌之象飛鵲天者遠世遠逝故有感于昔先也

國語註宛彼鳴鳩

宋庠曰今詩作宛

按大戴注小宛作小苑

翰飛戾天

韓詩翰飛戾天

薛君章句曰戾附也

文選西都賦注

念昔先人

春秋繁露念彼先人

明發不寐有懷二人

禮記祭義曰詩云云文王之詩也祭之明日明發不寐饗

而致之又從而思之

疏云引詩斷章取義詩人陳文王之德以刺幽王亦得為文王之詩也

鄭康成曰明發謂夜至旦

禮記注

壹醉日富

列女傳一醉日富

按傳當為得義箋云飲酒一醉是同魯也定本作壹專壹也謂專於沈酒也

各敬爾儀天命不又

左傳昭公元年楚令尹享趙孟賦大明之首章趙孟賦

小宛之二章

惠周惕曰小雅之言敬者五篇此及河水小弁巷伯兩無正皆處亂世而示人以弭

謗之道

螟蛉有子蜾蠃負之

說文螟蛉有子蜾蠃負之螟蛉桑蟲也蜾蠃蒲盧細腰蜂

也天地之性細腰無雌

千寶曰土蜂名曰蜾蠃其爲物純雄不交不產常取桑蟲

之子而育之則皆成已子焉

搜神記引詩

釋文曰螟蛉俗謂之桑蠅一名戎女

程瑤田曰螟蛉無定名也蜾蠃取螟蛉之

子教誨之亦成其爲螺螄矣

教誨爾子

王肅曰王者作民父母故以民爲子

正義

題彼脊令飛飛載鳴

東方朔曰士所以日夜孳孳敏行而不敢怠也辟若鵲鵲

飛且鳴矣

前漢書本傳

潛夫論

題彼鵲鵲

中論相彼脊令

我日斯邁而月斯征

徐幹曰有進業無退功我日斯邁而月斯征遷善不懈之

謂也

中論脩本篇

鳳興夜寐母忝爾所生

大戴禮曾子曰言不是舍也

立孝篇引詩

韓詩外傳曰昨日何生今日何成必念歸厚必念始生日

慎一日完如金城詩云云

我日斯邁四句

孔安國曰言日月流邁歲不我與當夙起夜寐進德修業

以無忝辱其父母也

孝經引詩四句注

王符曰君子終日乾乾進德修業非直爲傳已而已也蓋

乃思述祖考之令問而以顯父母也

潛夫論讀學篇引詩

交交桑扈率場啄粟

易林曰桑扈竊脂啄粟不宜亂政無常使我孔明

晉卦詞

哀我填寡

韓詩曰哀我疹寡疹苦也釋文 玃按文選註疹疾也韓訓苦謂疾病之苦也

宜岸宜獄

韓詩曰宜犴宜獄段曰韓正字岸為犴之假借 鄉亭之繫曰犴朝廷曰

獄初學記又鹽鐵論說文引詩宜犴同周禮注作宜犴

應劭曰宜犴宜獄犴司空也周禮凡萬民有罪過離于法

者役諸司空令平易道路也風俗通 玃按淮南說林曰亡犴不可再高注獄犴亡逃

不可使出其入此則犴亦禁錮之所非第役司空矣

服虔曰宜犴宜獄鄉亭之獄曰犴漢書注引詩

王符曰刺刑法繁也親屬之服甚衆上附下附而服不過

五刑罰之屬三千上殺下殺而罪不過五故治民之道務

篤其殺而已

潛夫論五刑篇引詩

握粟出卜

徐錯曰史記司馬季主曰卜而不中不見奪精則精亦所

以爲卜之資也

說文繫傳惠棟曰管子云守龜不兆握粟而筮者屢中言無與于吉凶也

惴惴小心如臨于谷

曹大家曰小雅云惴惴小人

如臨于谷大雅曰人亦有言

進退維谷此皆敬慎之戒也

文選幽通賦注

文中子如臨空谷

魏相篇

戰戰兢兢如履薄水

家語孔子觀周入太祖之廟有金人焉三緘其口而銘其背曰古之慎言人也孔子讀斯文曰此言實而中情而信詩云云行身若此豈患口過哉御覽五百九十

小弁八章

劉勝曰我心憂傷惄焉如擣伯奇所以流離也漢書中山靖王傳

易林曰尹氏伯奇父子分離無罪被辜長舌爲災中孚之井

說苑曰王國子前母子伯奇後母子伯封兄弟相重後母

欲令其子立爲太子譖伯奇而王信之乃放伯奇也易林巽之

觀曰譖言亂國覆是爲非伯奇乘離恭子憂哀與說苑事指相近所謂恭子者豈卽王國子耶李兆洛

日王朝卿士之詩故編於小雅

班固曰伯奇放流小弁之詩作漢書馮奉世傳贊 顏注伯奇周尹吉甫子也事後

母至孝而後母譖諸吉甫欲殺之伯奇乃亡走山林詩小雅小弁之詩也

蔡邕曰伯奇既逐履霜以足採蓼花以食其鄰大夫閔之

乃賦小弁御覽引琴操 瓌按文選舞賦注引琴操曰尹吉甫周上卿也有子伯奇伯奇母死更娶後妻

生伯邦乃譖伯奇於吉甫吉甫怒放伯奇於野宜王出游吉甫從奇乃作歌感之於宣王吉甫乃收伯奇射殺後妻

汪師韓曰以小弁為伯奇之詩此必三家遺說也瓌按以焦劉班蔡之師傳推之則義當出魯家也

趙岐曰小弁伯奇之詩也伯奇仁人而父虐之故作小弁

之詩孟子注 全紹衣曰趙岐說小弁乃韓詩與黍離合

臣瓚曰小弁漢書作小太子之傳作也哀太子之放逐愍

周室之大壞也漢書杜欽傳注

張晏曰刺幽王廢申后而立褒姒黜太子宜咎而立伯服也前

范甯曰父子之恩缺則小弁之刺作穀梁傳注

弁彼鸛斯歸飛提提

法言曰頻頻之黨甚于鸛斯學行篇璩按黨即箋所謂

家詩也段玉裁曰魏都賦飛飛貌即提提也

陸德明曰鸛斯是詩人協句之言而俗斯旁作鳥爾雅釋文

氏曰詩人以斯為語助詞柳斯鹿斯之類皆是也

何辜于天

趙岐曰親親而悲怨之辭也孟子註音義云韓詩也

鞠為茂草

呂向曰鞠養也茂盛也

文選四十
八引詩注

怒焉如擣

韓詩怒焉如疔

釋文 盧文弨曰呂覽盡數篇氣鬱
處腹則為張為疔高注疔跳動也

顏師古曰擣築也言中心憂思如被擣築

漢書景十
三王傳注

假寐永歎

後漢質帝紀注寤寐永歎

謝枋得曰事關心者夢中長吁
故曰假寐永歎憂愁多者年少

髮白故曰
維憂用老

維憂用老

王充曰伯奇放流首髮早白

論衡書虛
篇引詩

靡瞻匪父

韓詩曰夫為人父者必懷慈仁之愛以畜其子也文選洞

有灌者淵崔葦淠淠

韓詩外傳曰有灌者淵崔葦淠淠言大者無不容也

詩疏義曰蘧或謂之荻至秋堅成謂之崔也藝文類聚

說苑苑葦淠淠廣雅淠淠茂也

維足伎伎

白帖維足跂跂九十七按手鑑跂垂足也又舉足也蓋卽

臂彼壞木疾用無枝

樊光曰臂彼癭木疾用無枝癭木符婁疒偃內病癭磊無

枝也爾雅釋文

說文曰臂彼痠木痠腫旁出也

尚或先之

五經文字曰尚或薨之薨不忍貌

尚或殯之

說文曰尚或殯之道中死人人所覆也左傳道殯亦作殯

列女傳曰夫慈故能愛乳狗搏虎伏雞搏狸恩出於中心

也詩云行有死人尚或殯之此之謂也魏乳母篇

趙岐曰凱風言莫慰母心母心不悅也知親之過小也小

弁言行有死人尚或殯之而曾不關已知親之過大也魏

曰七子之母止以無罪怒其子故怨則不可疑若伯奇之母則欲以無罪殺其子故不怨則愈疏正與號泣於田相

類故孟子論小

弁以舜證之

巧言 六章

易林曰南山昊天刺政閔身

恒之艮 按今篇題為巧言此似即題昊天矣又節南山

後雨無正曰浩浩昊天巧言曰悠悠昊天兩言昊天未知其誰指也

鄭康成曰此臣使君勞之詩也

禮記註 按說言 惑亂故使君勞

亂如此慄

唐石經亂如此慄

按兩雅慄大也儀禮注慄覆也字从巾禮記注慄敖慢也字从心詩此句是

傷時亂之大與昊天句言王之傲慢不同今本慄皆從心失之矣

昊天已威予慎無罪

續列女傳曰言王為威虐之政則無罪而遭咎也

引詩

昊天泰憮予慎無辜

劉向曰無辜而死不亦哀哉新序引詩

唐石經昊天泰憮

僭始既涵

韓詩曰僭始既減少也釋文按涵韓家作減訓少者謂譏諧之事在昔尚少僭當同諧也

許慎曰涵水澤多也說文引詩

王肅曰言亂之初生譏人數緣事始自入盡得容其譏言

無有別也正義汪遠孫曰一切經音義引作譏始既涵按如王訓僭正當作諧謂譏諧也

君子如怒亂庶遄沮

杜預曰言君子之怒必以止亂左傳文公二年注

左傳范文子曰吾聞喜怒以類者鮮易者實多詩云云君

子之喜怒以已亂也

昭公十七年

左傳文公二年秦伐晉狼曠爲右以其屬馳秦師死焉
晉師從之大敗秦師君子謂狼曠于是乎君子詩曰君
子如怒亂庶遄沮怒不作亂而以從師可謂君子矣

君子屢盟亂是用長

杜預曰無信故數盟數盟則情疏情疏而憾結故云長亂

左傳桓公十二年公欲平宋鄭冬又會于亳宋公辭平故
與鄭伯會于武父遂帥師伐宋而戰焉宋無信故也君子
曰苟信不繼盟無益也詩云云無信也

左傳襄公二十九年鄭大夫盟于伯有氏裨諶曰是盟

也其與幾何詩云云今是長亂之道也禍未歇也

盜言孔甘亂是用餒

禮記釋文亂是用餒

引徐本

表記子曰君子之接如水小人之接如醴君子淡以成
小人甘以壞小雅云云

匪其止共維王之邛

韓詩外傳曰弓調然後求勁焉馬服然後求良焉士信慤
然後求知焉士不信焉雖多知譬之豺與其難以身近也
詩云匪其止恭惟王之邛言不恭其職事而病其主也

說苑曰此傷姦臣蔽主以爲亂者也

引詩家語同

鄭康成曰邛勞也言臣不止于恭敬其職惟使王之勞禮記

注 敬按邛訓與箋不同當亦轉傳之義也

皇侃曰匪其止躬躬勞也禮記釋文

秩秩大猷聖人莫之

說文曰載載大猷載大也

漢書注秩秩大猷聖人謨之詩攷

他人有心予忖度之

董仲舒曰此言物美無鄰察視其外可以見其內也春秋繁露

玉杯篇引詩

韓詩外傳曰知者之于人未嘗求之而後能之也觀容貌

察氣志定取舍而人情畢見矣詩云云

躍躍毚兔遇犬獲之

韓嬰章句曰趨趨往來貌

廣韻引韓詩作躍躍

獲得也言趨趨之毚

兔謂狡兔數往來逃匿其跡有時遇犬得之

史記春申君傳集解

高誘曰躍躍跳走也

後國策注申韓義高云

跳走亦同驚義也此

王肅曰言雖騰躍逃隱其迹或適與犬遇而見獲也

正義

劉良曰毚兔老兔也

文選二京賦注

蛇蛇碩言

呂覽注

蛇

蛇

碩言

重己篇戴禮注同

大

居河之麋

爾雅注居河之澮邵晉涵曰左僖二十八年余賜女孟諸之麋麋同澮謂邊地也

既微且尪

說文既微且瘡玉篇同釋文既瘡且尪

左傳襄公十三年衛侯飲孫蒯酒使太師歌巧言之卒

章文子曰君忌我矣弗先必死遂作難

何人斯八章

高誘曰訟閒田者虞芮及暴桓公蘇信公是也淮南子精神訓注

世本周幾自周有暴國宋均曰暴周平王諸侯也太平御覽

晉書曰蘇公興飄風之刺劉琨傳

顏師古曰刺讒人也漢書敘傳注

不入唁我

韓詩曰弔生曰唁亦弔失國曰唁一切經音義

祇攪我心

文選注祇拊予心歎逝

我心易也

韓詩曰我心施也施善也釋文

伯氏吹壎仲氏吹篪

譙周曰古有壎篪尚矣周幽王時暴辛公作壎蘇成公作

篪正義李榕曰世本見此詩遂為此說求詩之過也

王肅曰言我與汝同寮之官如壎篪之和正義張堂曰壎篪二器

共爲一音墳爲宮而簾以
敬和古人所以喻同氣也

出此三物

韓詩曰盟牲所用天子諸侯以羊豕大夫以犬庶人以雞

許慎五經異義禮記疏

以詛爾斯

陸德明曰以禍福之言相要曰詛

釋文

爲鬼爲蜮

沈重曰蜮狀如蟹三足一名射工俗呼之水弩在水中含

沙射人影

釋文

歐陽詢曰蜮猶惑也淫女惑亂之所生也多生水澤地其

物不可見蓋氣精也 藝文類聚引詩

則不可得

藝文類聚則不可測 按不可測謂無面目之可見故興下有覲句也

有覲面目

許慎曰覲而見也 說文引詩 玉篇曰覲好也 埤蒼作覲

巷伯 七章

緇衣子曰惡惡如巷伯則刑不試而民咸服

范蔚宗曰詩之小雅有巷伯刺讒之篇 後漢書宦者傳論

張晏曰寺人孟子賢者被讒見宮刑作巷伯之詩也 漢書馮奉

世傳注 璩按鄭箋及後漢書注皆以寺人與巷伯為二此即以為一人也

後漢書注卷伯被讒將刑寺人孟子傷而作詩以刺幽王

孔融傳

斐兮斐兮

記文曰斐兮斐兮斐白文貌

宋魏杞多言說方輿

成是貝錦

裴駟曰凡織錦者先染其絲織之即成

史記夏本紀集解引詩

唐次曰正言勝則為忠為諫邪言勝則為讒為諛故詩云

斐兮斐兮成是貝錦言其組織之甚巧也

文粹九十五

彼譖人者

藝文類聚彼譖人者

哆兮侈兮

崔靈恩集註曰鈔兮侈兮鈔曲也讀詩記說文張口也亦作鈔

緝緝翩翩

說文曰聿聿翩翩聿聿語也釋文璣按說文訓聿從耳即史記所謂耳語也又韓文

口將言而聿聿亦與說文義近

捷捷幡幡

一切經音義捷捷幡幡又漢書音作倏倏

騎人好好勞人草草

爾雅旭旭慤慤釋訓疏曰郭讀旭旭為好好

取彼諸人

禮記注取彼

謹人

後漢書同

投畀豺虎

晉書曰巷伯有豺獸之慨蘇公與飄風之刺惡直醜正何

代無之

劉琨傳

投畀有北

路史曰帝戰蚩尤遷其民善者于鄒屠惡者于有北詩云

云惡可知矣

投畀有昊

韓詩內傳曰孔子爲魯司寇先誅少正卯謂佞道已行亂

國政也佞道未行章明遠之而已

白虎通

後漢書投畀昊天

馬援傳

寺人孟子

鄭康成曰寺之言侍也

周官注引詩

王應麟曰大雅之變作于大臣召穆公衛武公之類是也小雅之變作于羣臣家父孟子譚大夫之類是也

節南山之什十篇七十九章